

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 St 1084194 24 St  
Sarajevo, 03.10.2024.godine

Općinski sud u Sarajevu, stečajni sudija Mirela Čajić-Puljić, rješavajući po prijedlogu za otvaranje stečajnog postupka nad imovinom pravnog lica BETTONI BH d.o.o., ul. Ćemaluša br. 12/I, Sarajevo, donio je dana 03.10.2024.godine, sljedeće:

### RJEŠENJE

1. Pokreće se prethodni postupak radi utvrđivanja uslova za otvaranje stečajnog postupka nad imovinom pravnog lica BETTONI BH d.o.o., ul. Ćemaluša br. 12/I, Sarajevo.
2. Za privremenog stečajnog upravnika imenuje se Enis Džihanić iz Sarajeva, ulica Trg solidarnosti br. 13.
3. Privremeni stečajni upravnik će izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika, utvrditi da li postoje razlozi i uslovi za otvaranje stečajnog postupka, utvrditi da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti dužnika te ispitati da li imovina stečajnog dužnika može pokriti troškove stečajnog postupka.
4. Dužnik je obavezan da dozvoli privremenom stečajnom upravniku da pregleda poslovne knjige i poslovnu dokumentaciju dužnika.
5. Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.
6. Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.
7. Pozivaju se povjerioci da predlože mjere osiguranja nad predmetima i imovinom stečajnog dužnika.
8. Ovo rješenje će biti objavljeno na oglasnoj i elektronskoj tabli ovog suda, u „Službenim novinama Federacije BiH“ i na internet stranici Finansijsko-informatičke agencije.
9. Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj 65-01-0504-15.

## *O b r a z l o ž e n j e*

Predlagač je dana 28.03.2024.godine putem punomoćnika, podnio prijedlog za otvaranje stečajnog postupka nad privrednim društvom lica BETTONI BH d.o.o., ul. Ćemaluša br. 12/I, Sarajevo.

Na ročištu održanom dana 12.09.2024.godine, predlagač-direktor društva je izjavio da firma od osnivanja nikada nije došla u fazu da počne sa realizacijom projekata, zbog poteškoća na koje su nailazili prilikom pokušaja realizacije projekata, a djelimično i zbog Korona pandemije. Također je izjavio da društvo nema imovine pokretne, ni nepokretne.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je dužnik uplatio predujam za pokriće troškova prethodnog postupka, sud je donio odluku kao u izreci, primjenom članova 61, 62, 63, 65 i 66 Zakona o stečaju FBiH.

STEČAJNI SUDIJA  
Mirela Čajić-Puljić

**POUKA:** Protiv ovog rješenja žalba nije dopuštena.